



Republika e Kosovës
Republika Kosova - Republic of Kosovo
Qeveria – Vlada - Government

Ministria e Shëndetësisë - Ministarstvo zdravstva - Ministry of Health
Divizioni i Prokurimit/Divizia Nabavke/Procurement Division

Prishtine datë, 05.03.2024

Zyrtari Përgjegjës i Prokurimit i Ministrisë së Shëndetësisë, në mbështetje të nenit 108/A (paragrafi 10.1) të Ligjit për Prokurimin Publik nr. 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092, duke u bazuar në nenin 63 të Rregullores për Prokurim Publik të aprovuara nga Komisioni Rregullativ i Prokurimit Publik, duke vendosur sipas **kërkesës për ri-shqyrtim** të datës 26.02.2024, të parashtruar nga Grupi i OE MEDPLUS SH.P.K & RADIX PHARM SH.P.K, lidhur me **Lot-in: 3** të aktivitetit të prokurimit me titull: "Furnizim me material shpenzues medicinal nga LE" me nr. të Prok: 206-23-14103-1-1-1 nxjerr:

V E N D I M

1. **Refuzohet**, si e pa bazuar kërkesa për ri-shqyrtim e Grupit të OE **MEDPLUS SH.P.K & RADIX PHARM SH.P.K**, e dt. 26.02.2024 lidhur me **Lot 3** të aktivitetit të prokurimit "**Furnizim me material shpenzues medicinal nga LE**" me nr. të Prok: **206-23-14103-1-1-1** kundër Njoftimi mbi Vendimin e AK të datës 20.02.2024;
2. Mbetet në fuqi Njoftimi mbi Vendimin e AK i datës 20.02.2024;
3. Autoriteti Kontraktues, vazhdon me aktivitetin e prokurimit;
4. Ky vendim hyn në fuqi ditën e nënshkrimit dhe do të publikohet për të gjitha palët në platformën elektronike në adresën: <https://e-prokurimi.rks-gov.net>.

A r s y e t i m

Grupi i OE MEDPLUS SH.P.K & RADIX PHARM SH.P.K me datë 26.02.2024 ka parashtruar kërkesën për ri-shqyrtim, lidhur me **Lot 3** të aktivitetit të prokurimit me titull: "**Furnizim me material shpenzues medicinal nga LE**" me nr. prokurimi **206-23-14103-1-1-1**. Autoriteti Kontraktues, me datë 05.03.2024, ka shqyrtuar kërkesën në fjalë si më poshtë:

Dispozitat e LPP-së që supozohet të jenë shkelur nga Autoriteti Kontraktues sipas Grupit të OE MEDPLUS SH.P.K & RADIX PHARM SH.P.K:

Neni 1 i LPP-së
Neni 6 i LPP-së
Neni 7 i LPP-së
Neni 56 i LPP-së
Neni 59 i LPP-së
Neni 69 i LPP-së

Neni 40 i Rregullores Nr.001/2022 për Prokurim Publik
Neni 45 i Rregullores Nr.001/2022 për Prokurim Publik

Deklaratë detale mbi faktet dhe argumentet

Me dt. 20.02.2024 është publikuar njoftimi mbi vendimin e AK-së, ku është rekomanduar për kontratë OE MADEKOS SH.P.K., për lot 1 dhe 3 ndërsa neve na është dërguar letra standarde për tenderues të eliminuar me arsyetimin si në vijim:

Oferta e juaj është e papërgjegjshme në Kërkesat mbi mundësitë teknike dhe/ose profesionale, nuk e plotësoni Kërkesën nr. 2:

Kërkesa 2. Kërkohet që prodhuesi të jetë i Certifikuar me ISO 13485.	Dëshmia 2. Kopje e certifikatës ISO 13485.
--	--

Për kriterin e lartcekur kemi ofruar një certifikatë ISO 13485: 2016 për prodhuesin Forlong Medical Co., Ltd - China, me Numër të certifikatës: 47014, e ku figuron vlefshmeria deri me datë: 18.10.2024:

Gjate procesit të vlerësimit, kemi vërejtur ndryshime në mes certifikatës së ofruar dhe certifikatës të publikuar në veb faqe, andaj e kemi bërë verifikimin e saj, me të dhënat si në vijim:

Prodhuesi Forlong Medical Co., Ltd në website të tijë e ka të publikuar po të njëjtën certifikatë me të njëjtin numër mirëpo e vlefshme deri me datë: 18.10.2022.

Link: <https://www.forlongmedical.com/Certificate.html>

Përgjigjja me shkrim nga autoriteti certifikues "NQA" lëshues i kësaj certifikate është:

Verzioni Anglisht:
Hello

The certificate with No.47014 has expired and been cancelled in October 2022.

Best Wish!
Becky

Verzioni Shqip:
Përshëndetje

Certifikata me Numër: 47014 ka skaduar dhe është anuluar në Tetor të vitit 2022.

Me respekt,
Becky

Bazuar në të dhënat e lartcekura dhe pas konfirmimit me shkrim nga autoriteti certifikues "NQA" vërtetohet se certifikata ISO 13485:2016 e prodhuesit Forlong Medical Co., Ltd e cila është prezantuar në këtë tender nga Grup i OE MEDPLUS SH.P.K; RADIX PHARM SH.P.K nuk është valide, është e modifikuar me qëllim që në mënyrë të kundërligjshme të përmbushet kriteri sipas kërkesës nr. 2 të dosjes së tenderit të aftësitë teknike dhe/ose profesionale, duke përdorë një certifikatë të pavlefshme dhe me informata të pasakta.

Bazuar në këto fakte të argumentuara si më lartë Grup i OE MEDPLUS SH.P.K; RADIX PHARM të diskualifikohet nga ky aktiviteti i prokurimit.

Fillimisht ju sqarojmë se Ne kemi ofertuar për Lot 1 dhe 3, ndërsa arsyeja e eliminimit realisht ndërlidhet me Iso certifikatën që e kemi dorëzuar për produktin për Lot 1 për pozicionin 1 (adhesive tape 5cmx5m-jo të letrës) dhe nuk ka të bëjë fare me Lot 3, ndërsa ne jemi eliminuar për të dy lotët me arsyen e lartpërmendur e që realisht ka të bëjë vetëm për Lot 1.

Loti 1 nuk duhet të ndikojë në rezultatin e Lot 3 sepse dokumentet/Iso certifikatat që janë dorëzuar për Lot 1 janë të tjera, ndërsa për Lot 3 janë të tjera. Pra Iso certifikatat janë dorëzuar të veçanta për Lot 1 dhe tjera të Veçanta për Lot 3, sepse produktet dallojnë për Lot 1 në krahasim me Lot 3, prandaj edhe janë ndarë në Lote këto produkte.

Nuk mund të eliminohehi për Lot 3 me arsyen e eliminimit që na është dhënë për Lot 1, sepse dëshmitë dallojnë dhe janë dorëzuar të ndryshme për Lotet përkatëse.

Realisht secili Lot është një tender i veçantë dhe duhet të trajtohet si i tillë, prandaj dokumentet si Iso Certifikatat që janë dorëzuar për Lot 1, nëse janë të parregullta ose jo me validitet atëherë mund të eliminohehi për Lot 1 por nuk mund të eliminohehi edhe në Lot 3 për këtë dokumente.

Ky veprim bie ndesh me nenin 56.3 të LPP-së, sepse nuk mund të eliminohehi për një kërkesë që nuk ka qenë e përcaktuar në dosje të tenderit.

Po ashtu edhe neni 45.24 i Rregullores Nr.001/2022 Për Prokurim Publik, e përcakton qartë:

“Bazuar në nenin 56.3 të LPP, tenderuesi nuk do të diskualifikohet ose përjashtohet nga procedura e prokurimit në bazë të ndonjë kërkesë ose kriteri që nuk është i cekur në njoftimin e kontratës dhe / ose në dosjen e tenderit.

Pra, në dosje të tenderit nuk ka qenë e cekur që nëse ndonjë dëshmi e ofruar për Lot 1 nuk plotëson kërkesën apo është dokument pa afat vlefshmërie apo i parregullt atëherë do të eliminohet edhe nga Loti tjetër kjo kompani.

Lotet janë aktivitet të veçanta por për shkaqë efikasiteti dhe ekonomiciteti përfshihen në një aktivitet të prokurimit, prandaj një arsye e eliminimit që është për Lot 1 nuk duhet të vlejë edhe për Lot 3 sepse Iso certifikata është dorëzuar vetëm për Lot 1 dhe kjo është shumë e qartë, prandaj në këtë rast ne po diskriminohehi dhe nuk po trajtohehi barabartë.

Për më tepër ky veprim i AK-së rrezikon dëmtimin e buxhetit në vlerë prej **66,615.11 euro**

për Lot 3, pasi që ne kemi ofertuar në vlerë prej:**169,012.36 euro**, kurse OE i rekomanduar për kontratë në vlerë prej:**235,627.47 euro**.

Duke u bazuar në të gjitha dëshmitë dhe faktet që u ceken më lartë, konstatojmë se ekzaminimi, vlerësimi dhe krahasimi i tenderëve nuk është bërë në harmoni me nenin 59 të LPP-së, sepse ne jemi eliminuar pa të drejtë edhe pse i kemi plotësuar të gjitha kërkesat e dosjes së tenderit dhe të njoftimit për kontratë.

Gjithashtu nuk është respektuar edhe kriteri kryesor për dhënie të kontratës e që ka qenë tenderi i përgjegjshëm me çmimin më të ulët, sipas nenit 60 paragrafi 1.1 i LPP-së, sepse ne jemi operator ekonomik i përgjegjshëm dhe me çmim më të ulët.

Po ashtu nuk është respektuar edhe neni 7 i LPP-së, sepse është favorizuar operatori ekonomik i rekomanduar për kontratë, ndërsa neve jemi diskriminuar duke u eliminuar pa të drejtë në këtë aktivitet të prokurimit.

Paragrafi 1 i nenit 7 të LPP-së, e parasheh qartë që “Autoriteti kontraktues do të trajtoj operatorët ekonomik në mënyrë të barabartë dhe jo- diskriminuese dhe do të veprojë në mënyrë transparente.

Gjithashtu nuk është marr në konsideratë edhe neni 1 i LPP-së, pasi që dihet se qëllimi i këtij ligji është të sigurojë mënyrën më efektive, më transparente dhe më të drejtë të shfrytëzimit të fondeve publike, burimeve publike si dhe të gjitha fondeve dhe burimeve të tjera të autoriteteve kontraktuese në Kosovë.

Duke pasur parasysh të gjitha arsyet ligjore që u përmendën më lartë, kërkojmë nga ju që të merrni:

VENDIM

APROVOHET, si e bazuar kërkesa për rishqyrtim e OE MEDPLUS SH.P.K & RADIX PHARM SHPK për Lot 3

ANULOHET, njoftimi mbi vendimin e AK-së (B58) për Lot 3 dhe lënda kthehet në RISHQYRTIM dhe gjatë rishqyrtimit, ekzaminimi, vlerësimi dhe krahasimi i ofertave të bëhet në harmoni me kërkesat e dosjes së tenderit, njoftimit për kontratë dhe konform dispozitave të LPP-së.

Dëmet materiale

- Dëmet materiale akoma nuk janë llogaritur sepse jemi në fazën e njoftimit për kontratë dhe fazën para ofertuese.

Pergjigjia e Autoriteteit Kontraktues ne lidhje me pretendimin Ankimore

AK-MSh i konsideron si te pa bazuar pretendimin e juaj ankimor ne lidhje me kërkesën qe te shpërbleheni me kontrate për Lot 3, duke arsyetuar se arsyeja e eliminimit ndërlidhet me Iso certifikatën që e keni dorëzuar për produktin për Lot 1 për pozicionin 1 (adhesive tape 5cmx5m-jo të letrës) dhe sipas jush nuk ka të bëjë fare me Lot 3.

Ne lidhje me këtë çështje ne ua rikujtojmë se ne ofertën tuaj ju si lider i konsorciumit keni plotësuar Deklaratën nen Betim sipas Aneksit 2 te DT, ne te cilën nder te tjera theksohet se:

Unë pranoj mundësinë e sanksionimeve penale dhe civile, gjobave dhe dënimeve, nëse unë për shkak të pakujdesisë dorëzoj çfarëdo dokumenti ose deklarata që përmban informata përmbajtësish të gabueshme ose mashtruese.

Siç jeni te njoftuar gjatë procesit te vlerësimit te këtij aktivitetit, komisioni i vlerësimit ka vërejtur se ju keni dorëzuar certifikatën ISO 13485:2016 për prodhuesin Forlong Medical Co., Ltd – China me nr. te certifikatës: **47014** , ne te cilën figuron periudha e validitetit deri me datë: **18.10.2024**, ndërsa sipas website e prodhuesit **Forlong Medical Co., Ltd** ku është e publikuar e njëjta certifikate me te njëjtin numër (47014) është vërejtur se figuron me afat te skaduar me datë: **18.10.2022**.

Ekziston edhe konfirmimi me shkrim nga autoriteti certifikues "NQA" se certifikata ISO 13485:2016 e prodhuesit Forlong Medical Co., Ltd e cila është prezantuar ne këtë tender nga ana juaj me Numër: 47014 ka skaduar dhe është anuluar në Tetor te vitit 2022.

Certifikata e ofruar nga ana juaj nuk është valide, është e modifikuar me qellim qe ne mënyrë te kundërligjshme te përmbushet kriteri sipas kërkesës nr. 2 te dosjes se tenderit te aftësitë teknike dhe/ose profesionale, duke përdorë një certifikate te pavlefshme dhe me informata te pasakta.



Ne raste te tilla oferta juaj eliminohet si tërësi pasi qe bie ndesh me Deklaratën nen Betim qe e keni ofruar si me poshtë:

Aneksi 2 DEKLARATA NËN BETIM

Unë, i poshtë nënshkruari, duke përfaqësuar: MEDPLUS SH.P.K. deklaroj nën betim se jam i përshtatshëm në përputhje me Nenin 65, të Ligjit mbi Prokurimin Publik në Kosovë Nr. 04/L-042, i ndryshuar dhe plotësuar me ligjin Nr. 04/L-237, ligjin Nr. 05/L-068 dhe ligjin Nr. 05/L-092.

Unë vërtetoj se i kam lexuar kërkesat e përshtatshmërisë në Nenin 65 të LPP-së, respektivisht paragrafin 6 të Informacionit për Tenderuesit dhe vërtetoj se i përmbush kërkesat e përshtatshmërisë për pjesëmarrje në këtë procedurë të prokurimit.

Unë pranoj mundësinë e sanksionimeve penale dhe civile, gjobave dhe dënimeve, nëse unë për shkak të pakujdesisë dorëzoj çfarëdo dokumenti ose deklaratë që përmban informata përmbajtësish të gabueshme ose mashtruese.

Identifikimi i Operatorit Ekonomik (OE)	
Emri i OE:	MEDPLUS SH.P.K.
Adresa e plotë:	RR. PRANVERA E LIRISË, P.N, LEBANË, PRISHTINË
I përfaqësuar nga:	
Emri:	JETON PRENAJ
Pozita:	DREJTOR
Nënshkrimi:	
Data:	17.01.2024
Vula:	

Zyrtari Përgjegjës i prokurimit bazuar në ato që u thanë më lart ka vendosur si në dispozitiv.

Këshilla juridike:

Kundër këtij vendimi, ankuesi mund të paraqesë ankesë pranë OSHP-së. Ankesa pranë OSHP-se duhet të dorëzohet brenda 10 (dhjetë) diteve pas pranimit të këtij vendimi.


Berat Marmullaku

Zyrtari përgjegjës i Prokurimit